

Jeanroy

I.

No sap chantar qui so no di,
Ni vers trobar qui motz no fa,
Ni conois de rima co-s va
Si razo non enten en si.
Mas lo mieus chans comens? aissi
Com plus l?auziretz, mais valra, a a.

II.

Nuils hom no-s meravill de mi
S?ieu am so que ja no-m veira,
Que-l cor joi d?autr?amor non ha
Mas de cela qu?ieu anc no vi,
Ni per nuill joi aitan no ri,
E no sai quals bes m?en venra, a a.

III.

Colps de joi me fer, que m?ausi,
Et ponha d?amor que-m sostra
La carn, don lo cors magrira;
Et anc mais tan greu no-m feri,
Ni per nuill colp tan no langui,
Quar no cove ni so s?esca, a a.

VI.

Anc tan suau no m?adurmi
Mos esperitz tost no fos la,
Ni tan d?ira non ac de sa
Mos cors ades no fos aqui:
E quan mi resveill al mati
Totz mos bos sabers mi desva, a a.

V.

Ben sai c?anc de lei no-m jauzi,
Ni ja de mi no-s jauzira,
Ni per son amic no-m tenra
Ni coven no-m fara de si;
Anc no-m dis ver ni no-m menti
E no sai si ja s?o fara, a a.

VI.

Bon es lo vers, qu?anc no-i falhi,
Et tot so que-i es ben esta;
E sel que de mi l?apenra

Gart se no·l franha ni·l pessi;
Car si l?auran en Caersi
En Bertrans e·l coms en Tolza, a a.

VII.

Bos es lo vers, e faran hi
Calque re don hom chantara, a a.

- letto 306 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911 CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/jeanroy-12>